

## **ILANNGUSSAT**

**Aalisarnek pillugu Inatsisartut inatsisaata nr. 18 31. oktober 1996-imeersup allannguutissaatut siunnersuummut oqaaseqaatinut ilanngussat.**

### **Oqaaseqaatit nalinginnaasut**

Oqaaseqaatinut ilanngussat tungaveqarput Inatsisartut Aalisarnermut, Piniarnermut Nunalerinermullu Ataatsimiititaliaata isumaliutissiisutaanik aammalu siunnersuummi aalajangersakkat marluk, tassa § 1 nr. 4 nutaaq § 22a pillugu aammalu § 1 nr. 5 § 32-ip allanngortinnissaa pillugu naalakkersuisunut kissaateqarnerattut paasineqassalluni.

### **Siunnersuummi aalajangersakkanut oqaaseqaatinut ilanngussat**

#### *§ 1, nr. 4 pillugu*

Aalisarnermi, tunisassiornermi inuussutissarsiutinilu taakkununga attuumassuteqartuni aningaasaqarniarnermi suliffissaqartitsiniarmilu pissutsit pisariaqartut aalajangersakkami qulakkeerniarneqarput.

Erseqqissarneqassaaq tunisassiorfinnik matuneqartunik namminersortut – immaqa kommunit suleqatigalugit – tiguisinnaaneramik pinngitsoortitsiniarnermut aalajangersagaq atorpeqassanngimmat imaluunniit allatigut unammilleqatigiissinnaanermit killiliissutitut atorpeqassanani.

Tunitsivinnik tunisassiorfinnilluunnit nutaanik imaluunniit pioreersunik allanngortitsiniarnermi imaluunniit allanik tunisassiornissamut akuersinissamik naalakkersuisut aalajangiitinnagit suliamut attuumassuteqartut tusarniaavigineqassapput. Tamassuma ataani kommunit,

sulisartut sulisitsisullu kattuffiit suliamut attuumassuteqartut kiisalu Unammilleqatigiittarnermut Siunnersuisoqatigiit.

Tunitsivinnik tunisassiorfinillu nutaanik pilersitsiniarnermut kiisalu pioreersunik allanngortitsiniarnerit pillugit malittarisassat sukumiinerusut, tamassuma ataani tusarniaavigineqartussat, § 22a imm. 2-tut siunnersuummi pisinnaatitsissut tunngavigalugu nalunaarusiamut ilanngunneqassapput.

*§ 1 nr. 5 pillugu*

Erseqqissarneqassaaq pisuni ataasiakkaani Aalisarnermut Siunnersuisoqatigiit ilaasortat ataasiakkaarlugit tusarniaaviginerini ilaasortat tamarmik tusarniaavigineqartassammata, soorlu assersuutigalugu allakkatigut imaluunniit oqaarasuaat atorlugu.